

*Hostia Lacum* habet Obsequens: Stagno vulgo vocatur. Inter Marinum & Albam Longam *Lacus* est *Albanus*, cuius meminit Livius Lib. v. Hodie *Lago di Castel Gangolfo*: Sunt & *Lacus* vel *Stagnum Nemorense*, hodie *Lago di Nemo*; *Iuturna Lacus*: *Regillus*, hodie de *S. Prassode*: *Fucinus* hodie *Lago di Marsos*: *Pontina* vel *Pompina Palus* etiam in Latio describitur a Plinio, nunc Ausente palude. *Fundanus Lacus*: *Tiburinus*: *Cacubus* & *Simbruina Stagna*. *Flumina Tiberis*, quem in generali descriptione delineavimus, & varia fl. quæ cum eo, nominibus amissis, Mare petunt. Reliqua Latij, ut antiquitus appellabantur, *Numicius*, *Loracina*, *Stura*, *Nymphæus*, *Ufens*. Montes præter septem Urbis Romæ, Colles, de quibus supra, *Albanus* est, scriptoribus omnibus Græcis Latinisque celebratissimus. *Mons Cacubus* in Sinum Cajetanum usque porrectus, ab Vini, quod fert, generositate nominatissimus. *Vestinus* item, *Algidus*, *Aventinus*, *Lepinus*, *Catillus*, *Ceraunios* etiam Montes Latij habet Halicar. *Silvæ* sunt *Silva* sive *Lucus Feronia*, *Lucus Jovi Indigetisacer*: *Diane Aeolica Lucus*, *Silva Nævia*: *Camenarum Lucus*: *Algidum Nemus*: *Albuna Silva*: *Angitia Nemus*: & *Furina Lucus*. populi huius regionis ad hæc usque tempora præterquam in Civitatibus, plerumque rudes, moribusque agrestibus, animis audaces confidentesque: Viribus corporis, non minus quam olim præstantes, Ecclesiastica ex provinciali Romani pontificis apud Mercatorem sic habent. *Roma* caput omnium Ecclesiarum dicta, in qua residens papa sub se habet intra Urbem v Ecclesias patriarchales dictas, quæ sunt Ecclesia *S. Ioannis Lateranensis*, *S. Petri* Monasterium, *S. Pauli* intra muros urbis, *S. Maria Major*, & Monasterium *S. Laurentij*. His Ecclesijs adsignati Episcopi v i i i primum dicti Architespyteri. primus & summus papa, reliqui sub eo, *Ostiensis*, qui patriarcha Campaniæ; & papam consecrat, huic junctus est qui sequitur *Velletrensis*, sive *Valerensis*: *Portuensis* sive *S. Ruffina* & *Secunda*, *Sabineus*, *Tusculanensis*, *Prænestinenses*, *Albanenses*. Iisdem Ecclesijs adsignati sunt presbyteri Cardinales xxvii i videlicet *Titulo S. Crucis* in Ierusalem: *Tit. SS. Ioannis & Pauli*: *Tit. S. Stephani* in Celiomonte: *Tit. S. Susanna*. *Tit. S. Petri ad Vincula*. *Tit. S. Prisca*: *Tit. S. Sirlaci* in Thermis: *Tit. S. Marcelli*: *Tit. S. Balbinæ*: *Tit. S. Grisogoni*: *SS. Marcellini & Petri*, *S. Anastasia*: *S. Clementis*. *S. Potentiana*: *S. Martini* in montibus: *S. Praxedis*: *S. Marci*: *S. Laurentij* in Lucina: *S. Maria* in Transiberina: *SS. iv Coronatorum*, *S. Sabina*: *SS. Nerei & Ardis*: *S. Sixti*: *S. Eusebij*: *S. Vitalis*: Basilicæ x i i Apostolorum: *S. Laurentij* in Damasi: *S. Ceciliæ*. Iisdem adiuncti Diaconi Cardinales xv i i i. Extra Urbem in Campania maritima Episcopi, *Agnaninus*, *Alatrinensis*, *Fundanus*, *Tiburinus*, *Sagninus*, *Terracinenis*, *Verulanus*, *Ferentinus*, *Sorannus*, *Aquinus*. Habet etiam sub se papa per alias Orbis ditiones iv patriarchales Ecclesias, quibus ibi constitutæ Ecclesiæ subsunt: *Constantinopolitanam*, *Alexandrinam*, *Antiochiensem*, & *Hierosolymitanam*.

Lacus.

Flumina.

Montes.

Silva.

Vulgi Mores.